

adeci

ladayen aku ku wawa ayza a demiad, tayza i “iciba nu sakul.” minanam ayza ku wawa tu kamu nu binacadan, maazih itiza ku kenaw, adeci, atu atimsi, kedukedu, hacacay han mituzu’ a pasakamu tu ngangan nu lami’.

u tademaw nu binacadan sa, i buyu’ ku eneng, kapah tabuyu’ milami’. micapiay tu bayu ku eneng sa, kapah tabayu mibuting, miuzang, mapahabay nu tahak kita u binacadan, yadah ku kakanen tu sakauzip.

maazih aku ku pacakayay tu tebu’ u “adeci”. pasubana’en nu maku ku wawa, hicaen musakamu tu nu mita a kamu, izaw ku nu angsi a tebu’, izaw ku adeci, asu’ amin kanen. caay kau niesa’an atu nipacikahan tu manta’ay a lami’ dada’, kapah tuduhen, patelاهen, atu palamelen tu titi, tawiw, kenaw, daydam ciyanen mukan. manamuhay mikabi a tademaw, kapah palamelen tu ukak nu pabuy atu titi nu tulakuk misakabi, saaledet sa ku kabi.

mazateng nu maku ku kasiadecian a puu’ nu mihecaan, kanca tabuyu’ ku babalaki miadeci, maazih ku zuma a babalaki miedap mipudac tu adeci. sakamu sa ku babalaki, “maudad ku demiad kalamkam ku lutuc nu langaw,” kapawanan miadeci bahal maikes tu, maikesay a bulu’ adidi’ nika pabesuc sa ku langaw, naayaw u sapilangat, u sapibadahung ku bulu’, zikuz

masazuma tu ku pisaluma’, kyu caay tu pibulu’. piadecian a zazan mazekec ku langaw nu buli’, kapah ku kuku’ itawya, misacalicali mimukmuk i bulubulu’an, sakapahen ku matu miazih, mipulita i lala’ miazih tu adeci.

haymaw han mingeli’ ku adeci kapah tu, azihen adidi’ nika tanayu’, haymaw han mingeli’, paliyut han i tatudu’ mapudac tu, kalibutan sa, makan ku bangsisay a nisalami’ tu adeci, u nisadakadakayan ku sakaizaw.

箭筍

今天帶小孩逛「撒固兒野菜市集」。對族人來說，大自然提供給我們很多天然的食物。一個攤位是賣「箭筍」，除了川燙、涼拌吃，還可以用烤的、水煮的、加肉絲、醬料、蔥、辣椒炒來吃，也可以煮湯。

以前長輩總是會去山上採箭筍、「剝」箭筍，除了可以食用以外，以前也是製作圍籬、屋頂的材料。採箭筍除了要腳力好，還要眼力好，輕輕一折就可以採收。